

# INUIT ATAQATIGIIT

## Inatsisartuni



11.december 2019.

UKA 2020/041

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Ilinniartitaaneq sorleq, assassornikkut atuagarsornikkullu Inuit Kulturitoqqarput pillugu ilinniartitsiviusinnaasutut piukkunnarnerullunilu ukkatarinnilluarnerusin-naanersoq pillugu Naalakkersuisut misissueqqullugit peqquneqarnissaannik inatsisartut aaliangiiffigisassaattut siunnersuut. Misissuinermittaaq ersarissarneqassaaq ilinniareernerup kingorna, ingerlariaqqiffiusumik ilinniaqqinnissamut, suliffissaqarnikkullu periarfissat suusinnaaneri, nunanik allanik suleqateqarnikkut periarfissat, aningaasatigullu kingunerisinnaasai, iluaqtissat ajoqtissallu, kiisalu ilinniagaqarfimmut pioerersumut Ilinniarfissap inissinneqarsinnaaneranut periarfissanut tunngasut ilanngullugit misissorneqassallutik. Misissuinerup inernera kingusinnerpaamik UKA2021- mi Inatsisartunut agguaanneqarsimassaaq.**

(Inatsisartunut ilaasortaq Peter Olsen, Inuit Ataqatigiit)

### **Tunngavilersuut:**

Aappagu 2021-mi ukiut 300-it qaanngiussimalissapput palasip Hans Egedep ajoqersuiartorluni maanga nunatsinnut, Inuit nunaannut tikissimaneraninggaaniit. Ullumikkut avammut qiviartutta takusinnaavarput Hans Egedep suliassani minnerusumik annerusumilluunniit iluatsilluarsimaga, sunniisimaneralu ersareqaaq sakkortoqaarlu; Inuusivut, ileqquvut, ilinniartitaanivut upperisavullu tamarmik qallunaat ileqqunut nutaanut tikilluaqqusimanerput puigornagu. Pisut pereersut akueralugit inuaat ingerlariaqqinnerani inuusaasitsinni naleqartitavut ersarissartuarnissaat pingaartippara, soorluttaaq ilinniartitaanerup iluani. Imaangitsoq ilinniarfeqarfiutigut sukkut tamatigut qallunaatuinnaq ingerlanneqarmata, naamik, taamatulli oqarninni una piinnarpara, ullumikkut atuagarsornikkut, assassornikkullu ilinniartitaanerit amerlanerpaartaat qallunaat inooriaasiannit ilequannillu aallaaveqarlutillu tunngaveqarmata.

Oqariartaaseqartoqarpoq imaattumik; Inuaat siulimik inuusiannik, piusiannik, anersaavanillu ilitsoqqussaqanngitsut, kingornussaqanngitsullu, tassapput inuaat inerissimassutsikkut, timikkut anersaakkullu piitsut sanngiitsullu.

Uangalu isumaqarpunga oqariartaaseq tamanna ilumoortoq;

Taamaattumik isumaqarpunga timikkut tarnikkullu sanngiitsuullatalu piitsussanngikkutta, taava suli annerungaartumik timikkut tarnikkullu immitsinnut pisuunngorsarlatalu nukittorsaqqittariaqalersugut; taamaaliussaguttalu aqqutissatta ilagilliunnarpaat tassalu, siulitta qanoq inuuseqarsimanerannut piuseqarsimanerannullu tunngasunik ilisimasaqarnerulernissarput pikkorinnerulernissarpullu.

Pikkorinnerulerput, ilisimasaqarnerulerpullu ilutigalugu, inerisimassutsikkut, tarnikkut timikkullu nukittulerulerlatalu peqqinnerulernissarput qularutigingilluinnarpara.

Tamannarpialru uppermarserusullugu qaqlertikkusullugulu, misissuisoqarnissaanik siunnersuuteqarpunga. Taamatut siunnersuuteqarpunga pissutigalugu, ilinniarfimmik taamaattumik pilersitsissagaluarutta kingunerisinnaasaanik ilaatigut makkuninga, paasinnikkusullungalu qualaajaatitserusukkama;

1. Aningaasatigut inooqataanikkullu kingunerisinnaassai pillugit
2. Ilinniarfik, pilersinneqartussaq, immikkut ilinniarfittut pilersinneqarsinnaanersoq, imaluunniit, ilinniarfimmut arlaannut piovereersumut ilanngunneqarsinnaanersoq. Ilinniarfik ullumikkut piovereeroq sorleq, Inuit Kulturitoqaannik ilinniartsitsinermini ukkatarinninnerusinnaanersoq misissussallugu soorluuna pissusissamisuussasoq
3. Ilinniarfik pilersinneqartussaq ilinniaqqinnissamut ingerlariaqqiffiusinnaassanersoq imaluunniit suliffittaarnissamut ingerlariaqqiffiusinnaalersinnaanersoq aammattaaq misissussallugu pissusissamisoorsorinarpoq.

Assersuutigalugu periarfissat ilaattut Knud Rasmussenip højskolia siunertarisannut tunngasumik ilinniarfinngortinneqarsinnaanersoq misissugassanut ilaasinjaavoq. Pissutigalugu illoqarfimmik tassani Kalaallisuliornermik ilinniarfeqareerpoq. Sisimiut aamma qimmeqarfissuullunilu qimusserfissuuvoq, ilinniarfillu sissamut qanittuunera pissutigalugu, qaanniornermik, qajartornermillu ilinniarfissatut piukkunnartorsuulluni.

Naluneqanngitsutut ullutsinni meeqqat atuarfianiit naammassinngitsoortartut amerlavallaarujuussuarput, tamatumalu kingunerisaanik ilinniarfinnut ingerlaqqittartut ikippallaarujuussuartarlutik. Tamatumalu uuma ilinniarfiup pilersinneqarumaartussap siunissaq ungasinnerusoq eqqarsaatigalugu pinaveersartissinnaaaneraa misissuinerup aamma ersarissassavaa.

Misissuinerp inernerata uppermarsippagu Inuit kulturitoqaannit ilinniarnissaq pisariaqartoq ilinniarfiup qanoq suliarineqarsinnaanera eqqartorneqarsinnalissasoq qularnangilaq.

Misissuinermi ataani taaneqartut qanoq kulturitsinnik attasiinnarsinnaanitsinnik qulakkeerinneqataallutik ilinniartitsilluni sammisaqarnikkut aaqqissuunneqarsinnaanersut misissorneqarsinaasutut kaammattutigaakka:

- *Qilaatersorneq: Kitaamiusut, Avandersuarmiusut, Tunumiusut, minnerunngitsumik Yupit/Alaska-miusullu amerlasuukkaarluni qilaatersuutigaluni qitinneq*
- *Qaanniorneq, qaannamik piniarneq umialiornelu: Saaqqutit qaannap/umiallu atortui allat ilanngullugit qanorlu aamma atorneqarsinnaaneri pillugit ilinniarneq*
- *Qimusserneq, qimmilerineq qamusiornerlu.*
- *Inuit atisaannik amermik atisaliorneq, kalaallisut aamma ilanngullugit.*
- *Inuit tupiannik amermik tupiliorneq, apummik illuikkiorneq, issunik ujaqqanillu qarmalinnik illuliorneq.*
- *Atuagarsorneq soorlu:Tuluttut, Qallunaatut, Matematik minnerunngitsumillu Inuit kulturerput, oqaluttuarisaanerpullu pillugu atuarneq ilinniarnerlu (Saqqaq kultur - Indenpendence I & II, Dorset Kultur aammalu Thule Kultur.*

Neriullunga siunnersuutiga ilassilluarneqarumaartoq.

Qujanaq

**Pisortanut aningaasatigut allaffissornikkullu kingunerisassai:**

Misissuineq allaffissornikkut ingerlatsinermi AC-mik ilinniarsimasup nalinganik, tassalu 500.000 kr.-nikaleq qarumaartoq.

**Namminersortunut aningaasaatigut allaffissornikkullu kingunerisassai:**

Soqanngilaq.

**Innuttaasunut aningaasatigut allaffissornikkullu kingunerisassai:**

Soqanngilaq